

տակում, մանաւանդ, որ առաջինը կապ էլ չունի մեր Արքութեան հետ: Գոցանից հընազոյնը Սարինայի դրան խաչելութիւնն է, երկրորդը Պերմի սկուտղի և ապա Բարուլայի 586 թուի աւետարանի խաչելութեան պատկերը և ուրիշ մի քանի մանր իրեր: Բրիտանական թանգարանի յայտնի խաչելութիւնը փղոսկրի տախտակի վերայ Ե. դարից, հաշուի չենք առնում՝ զուտ արեւմտեան ծագում ունենալու պատճառով:

Արդ, Սարինայի դրան պատկերաքանդակի մէջ տեսնում ենք Յիսուս խաչուած է գերանների վերայ, ուղիղ կանգնած, գլուխն առանց թեքելու, մազերն երկար և թափուած ուսերի վերայ, կարճ մորուքով և բաց աչքերով, թեքերը քիչ ճկուած արմուկներէից, մարմինը մերկ, ամօթանքը միայն ծածկուած նեղ ծածկոյթով, ոտքերն իրար մօտ և դէպի առաջ ուղղուած⁽¹⁾: Պերմի սկուտղը ասորական արձանագրութեան հնագրական նշաններով համարուած է Ե-Չ. դարի գործ. սկուտղի մետալիոններից մէկը խաչելութիւնն է. այստեղ Յիսուս հագել է մինչև ոտները ծածկող, թեքով շապկածեւ հագուստ (κολοβιον, colobium), գլխի շուրջը հասարակ նիւթուտով, երեսն ու բաց աչքերը ուղիղ դէպի առաջ: Գլխի մազերը երկար և ուսերի վերայ իջած, այտերն ու ծնոտը միջուքով ծածկուած, թեւերը հորիզոնական տարածուած, ոտքերի տակ պատուանդան, առանց ցաւի արտայայտութեան և հոգեկան աղերսի դէպի շրջապատը⁽²⁾: Բարուլայի մանրանկարի մէջ Յիսուս հագել է մինչև ոտները հասնող, անթեւ կոլոբիոն (κολοβιον), հասարակ նիւթուտով, գլուխը քիչ դէպի աջ աւազակը թեքած, աչքերը բաց. ձեռքերը տարածել է խաչափայտի հորիզոնական թեւերի վերայ, որ բեռուած են ափերի միջից. ոտքերը նոյնպէս բեռուած թաթերից վեր, բայց առանց պատուանդանի. ամբողջ մարմնով, կարծես, կանգնած, առանց ցաւի արտայայտութեան, թէև խոցուած կողից արիւն է թափուած, մի հանգամանք, որ տեսարանի բարդութեան հետ, տեղիք է

տուել կասկածելու պատկերի անաղարտ մնալու մասին⁽³⁾:

Եօթերորդ դարուց առաջ պէտք է զննել Ախմիմի ոսկեթերթի խաչելութիւնը, նիւթուսը խաչաձև, բաց աչքերով, կարճ մորուքով, դէմքը դէպի առաջ ուղղուած, ձեռքերը խաչի հորիզոնական թեւերին տարածուած, վերից վար մինչև ոտները հասնող թեւուոր շապկով, վերան ժապուէնաձև երկու շերտով, ոտքերը պատուանդանի վերայ ուղիղ կանգնած, ինչպէս և եգիպտական մի ասեղնեգործ, հասարակ նիւթուտով, դէպի առաջ ուղղուած դէմքով, որ ծածկուած է կարճ մորուքով, հորիզոնական ձգուած թեւերով: Հագել է մինչև ոտները հասնող սուկիկայ, վերայից կարճ պալիում, կանգնած ուղիղ՝ կենդանի մարդունման, լայն պատուանդանի վերայ. միայն պարզ չէ, աչքերը բաց են թէ ոչ⁽⁴⁾:

Եօթից ութերորդ դարի գործեր են իրենց ծագումով նաև մի քանի բրոնզէ բուրվառներ կամ դամբարներ, որոնց օրինակները ցրուած են այլ և այլ թանգարաններում⁽⁵⁾: Կոնզակովը համարում է զրանց Թ-Ժ. դարի բիւզանդական արուեստի արտադրութիւններ. բայց անուրանայի է, որ նրանց ծագումը Պաղեստինից է և կամ Ասորիքից, որ հաստատել կարելի է պատկերների առանձնայատուկութիւններով և մա-

(1) Պատկեր տե՛ս Kraus. I. 175: Beissel Gesch. der Evangelienbücher. 1906. Freiburg 1|B 64: Krausն ժԱ. դարն է համարում պատկերի փոփոխութեան ժամանակը. Անաստաս Սինէացուն վերագրուած խաչելութիւնը նոյնպէս կասկածիլ է համարում, թէ է. դարի գործ լինի (II 313. պատկ. 225):

(2) Kraus. I. 170: Kaufman. Die Christliche Archäologie. 1905. 396-397:

(3) Գոցանից երկուսը (պատկ. 19 և 20) որ զրուտուել են Ջրաբերդի Եղիշէ առաքեայ կամ Ջրվշուի վանքում եւ վարանդայի Սխտորաշէն զիզի մօտ, հրատարակել ենք «Տարագում 1909 N 1, «Հնութեան նշխարներ» վերնագրով եւ ապա նուիրել էջմիածնի թանգարանին. մի երրորդ օրինակ ձեռք է բերել հանգուցեայ Խաչի վարդապետ որ զարծեալ նոյն թանգարանում է այժմ: Կոնզակովի եւ Ռուսկի օրինակների մասին Russkia drewnocmu we pamiatnikach Iskysstwa. S¹. wipusk. IV. 1891. Otto Pelkaն եւս հրատարակելով Նիւրնբերգի թանգարանի օրինակը. տալիս է եւրոպական թանգարաններում գտնուածների ցանկը. երկու օրինակ էլ տեսել ենք Կայիթի թանգարանում եւ երկու օրինակ Լենինգրադի Էրմիտաժում, ակադեմիկ Մառի կողմից յանձնուած:

(1) Սարինայի դրան պատկերը տե՛ս Krause. I. 174:

(2) Reif. Taf. II Smirnow. Bost. Serebro. Tabl. XV. 38: